



Fréttir af verkefninu og staða framkvæmda

- **Jarðvinna vestan við Eirberg**
- **Jarðvinna vegna bílakjallara undir Sóleyjartorg**
- **Jarðvegsframkvæmdir fyrir nýjan meðferðarkjarna**
- **Frágangur við ný bílastæði norðan við Eirberg**
- **Jarðvegsframkvæmdir sunnan við Eirberg**
- **Frágangur við ný bílastæði við vesturgafi gamla Landspítala**
- **Varúð við akstur í námunda við vinnusvæði meðferðarkjarnans**

Jarðvinna vestan við Eirberg



Jarðvegsframkvæmdir vestan Eirbergs



Yfirlitsmynd, jarðvegsframkvæmdir vestan við Eirberg

Vestan Eirbergs standa yfir jarðvinnuframkvæmdir þar sem unnið er að lækkun götunnar. Bílastæðið sem þar stóð hefur alveg verið lokað og er komið að fullu undir framkvæmdir. Á þessu svæði eru einnig bergskeringar (sprengivinna) sem mun standa yfir þangað til í lok vikunnar. Í framhaldi af þeirri vinnu hefjast framkvæmdir við lagnavinnu og við vatns – og fráveitulagnir.

Ný bílastæði, skammt sunnan við þau stæði sem hafa verið tekin úr notkun, hafa verið opnuð.

Áætlað er að þessum framkvæmdum verði lokið í apríl.

Nýju bílastæðin eru ætluð fyrir starfsmenn, sjúklinga og aðstandendur þeirra.
(Sjá nr. 1 á korti)

Jarðvinna vegna bílakjallara undir Sóleyjartorg



Jarðvegsframkvæmdir við grunn bílakjallara

Jarðvegsframkvæmdir halda áfram við grunn bílakjallara, sem mun rísa undir Sóleyjartorgi austan við meðferðarkjarna, og miðar verkinu vel.

Unnið er að dýpkun grunnsins og búið er að losa um 92% af heildarmagni efnis fyrir meðferðarkjarna og bílakjallara.

Stefnt er að því að jarðvegsframkvæmdum vegna bílakjallara ljúki í apríl.
(Sjá nr. 2 á korti)

Jarðvegsframkvæmdir fyrir nýjan meðferðarkjarna



Jarðvegsframkvæmdir við grunn meðferðarkjarna



Yfirlitsmynd, grunnur nýs meðferðarkjarna

Jarðvegsframkvæmdir við grunn nýs meðferðarkjarna halda áfram og ganga vel. Unnið er að bergskeringum bæði á botni grunnsins svo og á norður – og vesturvegg. Verklok eru áætluð að öllu óbreyttu í lok apríl.

Öll umferð um framkvæmdasvæðið er bönnuð og svæðið vaktað til að auka öryggi vegfarenda.

(Sjá nr. 3 á korti)

Frágangur við ný bílastæði norðan við Eirberg



Einungis er eftir að ganga frá hellulagningu og að merkja bílastæði

Sökum veðurs er þessi verkhlut í bið. Eftir er að ganga frá gerð hellulagðra eyja sem mynda munu gönguleið þar sem keyrt er inn á stæðin ásamt merkingum.

Stæðin eru gjaldskyld og eru ætluð fyrir sjúklinga og aðstandendur þeirra.

(Sjá nr. 4 á korti)

Jarðvegsframkvæmdir sunnan við Eirberg



Unnið er að jarðvinnu sunnan við Eirberg

Jarðvegsframkvæmdir á svæðinu sunnan við Eirberg og geðdeildarhús standa enn yfir. Búið er að stækka framkvæmdasvæðið í átt að inngangi geðdeilda og því þrengist tímabundið aðkoman að geðdeildinni. Mikilvægt er að bifreiðum sé ekki lagt við girðinguna sem nær að inngangi geðdeilda.

Eftir er að tengja og ganga frá fráveitulögnum og vatnslögn.

Svæðið verður hellulagt og sett snjóbræðsla í gangstéttir.


Mikilvægt er að virða merkingar á svæðinu varðandi bílastæði og gæta varúðar við akstur.

(Sjá nr. 5 á korti)

Frágangur við ný bílastæði við vesturgafl gamla Landspítala



Eftir er að ganga frá hellulögn við ný bílastæði vestan við gamla spítala



Yfirlitsmynd, bílastæðin við vesturgafl gamla spítala

Einungis er eftir að ganga frá hellulögn og annan frágang við ný bílastæði við vesturgafl gamla Landspítala en verkið hefur tafist vegna veðurs.

Bílastæðin hafa verið tekin í notkun og eru ætluð fyrir gesti spítalans og eru gjaldskyld.

Stefnt er að því að verkið klárist seinni part apríl mánaðar.

(Sjá nr. 6 á korti)

Sýnið varúð við akstur í námunda við vinnusvæði meðferðarkjarnans.




Akstur vinnutækja inn á vinnusvæði meðferðarkjarnans er frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönum er bent á að sýna aðgát við akstur á svæðinu.

Akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.

(Sjá nr. 7 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöglum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is.

Sértaekar upplýsingar veitir af hálfu Landspítala Stefán Hrafn Hagalín 897 3644 stefanhh@landspitali.is og frá Háskóla Íslands Björn Gíslason 896 0876 bgisla@hi.is



Hringbrautar
verkefnið

nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is

Höfundaréttur © NLSH ohf.